

蕩而無度將以自欺者不可同日語謝安得之以授其姪玄以成將帥之略王導得之以學其子以序瓜葛之歡然則為蒸之道是豈特以詐害為心爭偽為智而為戰國之事乎故孔子曰飽食終日無所用心難矣哉不有

博奕者乎為之猶賢乎已有問者予以此對

琴暢

今書曰琴暢風俗通云凡琴曲和樂而作命之曰暢此暢為親睦堂作暢即操憂愁為操歌南風之詩兮鼓吾之琴聲昔條暢兮樂而不淫禁止於邪兮以正人心其弦有大小尊卑明兮其聲相應和友悌情兮其制合尺寸四時成兮其音女以樂世太平兮

徐仙翰藻卷之七

詩句

上林府判古今詩

幽沈謝世事俯默視興亡昔日知為漢今朝料有唐深陵變成谷滄海幾成桑季父走千

里埽人僅尺長誰愚復誰智何壽亦何殤蠢蠢戀金游游蛾撲光喜心先辟錫憂害去

田蝗鷹以不明死魚亦貪餌傷人情寧反覆特俗面炎涼灑視水三峽崎嶇路太行不辰漢牛斗無分背脊商彈指恨千古回頭夢一

場富哉誇晉楚詐也聞蘇張終臂奪允食直躬證父羊能言猩呢呢相並虎彊彊禮鼠拱而立駭牛躅且狂白鷹攫狡兔苦雀捕蝗銀

舉世俱禽戰傷時歌鳳凰詩書閣高東仁義路猶荒紅粉醉坊市朱門習管箏誰知殺青簡空自死黃腸文讀直為冢璋書錯作塵色

御三

十四

難分皂白術乃尚緇黃入粟拜都尉納質為騎郎人材滯遠水憂傑隱芒碭窘爭名版摯孽絆利鞭峨冠嗷魯俗左袵效胡粧缺舌人人粵文身在在光惡聲常入耳剌肉莫醫

瘡刺木法何酷種瓜政不良天行多失度陰氣上干陽日月如旋磨乾坤似泛航浮雲常浩浩下土太茫茫四海塵塵轅中原兵擾攘群雄爭霸業五季失王綱寄閩臨閩郡分藩守建康英名冠東海仁德席南鄉血食傳千

祀精魂居一方禱祠將毀頓古廟恐顏儂鴻澤今方集燕巢猶未光不妨卜雞骨重整弗演說靈書三卷降於承華殿喜得四王母之親傳可以益算延年用以垂科立教伏念臣

年踰耳順學未足稱不明離坎於自身安識乾坤之大化叨依真蔭隱宰玄科重念預修女弟子某以五漏身居凡塵世徒作嘻嘻之笑幾成善善之壙功容言德四教無全喜怒哀樂六情有累歲逢已亥適當七夕之初事錄庚申猶恐三尸之譜恭對上天而代奏截

從今日以自新預作福因尚祈陰相恭惟南昌朱陵上帝南極長生大帝好生韓君丈人化生八景道貫三靈說經十過以度人分治九陽而成氣魏魏大範寂寂無宗伏乞三界齊臨錄爾功削爾過累直濫度保其命貴

御三

十五

其形使制劫以長存敢乘機而悟會望息址
闕紀籍南宮受持黃籙白簡之文修有紫字
金石之刺降年有永八千之歲為春為秋患
我無疆百世而昌又孫又子全體太上好生
之德下鑒臣下致請之情

謝師表薦亡功德完滿

聞喜得西昇經於李老君依科置受黃帝問
陰符說於唐成子信受奉行若非宿命因緣
安有合仙骨像臣誠恐城惶頓首頓首伏念
臣犬馬之年已踰八十年雖老矣尚堪一行
龍鳳之章學近二三自謂愚者必得千慮領
職而後術道以嚴何以律人先當責已論材
必試有功者賞有罪者誅使人以心庸德之
行庸言之謹恭惟

正一靜應顯佑真君法傳正一道達玄微為

萬世之君師作群生之父母垂科立教都天
大法師指迷濟度之方救苦拔亡發願慈悲
之念切慮所荐之靈浮生汨汨豈無故為誤
作之愆長夜冥冥莫識出有入無之妙特憑
功德用作津梁伏願大道開明地絕妖氛天

無浮翳魂神澄正煙塞死尸雲關生門莫及
幽陰俱蒙玄澤

煉度表

伏自始青天中宣演度人經之法上皇劫後
聖聖生神之章大運將期靈文始出臣誠恐

誠恐伏念神三臣心猶役物體未洞真莫聞熊經

龜息之方深愧鶴髮龍鍾之狀領詞虔切勉
力奉行切慮所薦亡靈汨沒塵浮牽纏情累
故為誤作宜無心口意之非返本還原莫識
精氣神之妙自取死壞孰是生方恭惟

九天生神大帝道貫三靈化派二景在東則
有大慈大悲之號於南昌則分受度受煉之
司陰為魄陽為魂必陰陽為之淘鑄火屬心
水屬腎非水火何以生成伏乞大造包容真
光洞照腥腫了然而無滯枯朽闡之以發煙

骨肉同形神俱足內想不出外想不入永
除煩惱之源養氣既立順氣既生別有空洞
之體異諸苦藥均沐洪恩

又

度人經典誦之十過枯骨更生生神品目別

以九章幽魂開度太上得之以垂科立教後
學因之救苦拔亡恭惟

聖位七紀齊并三靈共貫上體乾坤之造化
陰用偶而陽用奇內明離坎之工夫水就濕
而火就燥津梁累苦日月群迷誓願逾深功

德無量伏念神三臣年來老耄學甚荒踈虎承龍

鉛莫究九轉九成之訣熊經龜息未知一呼
一吸之方向領投詞備充負數重見孝情之
度切勉為科事以主行重念所荐亡鬼昨得
生身今歸死錄下招魂魄又為泉曲之遊叩
問謁體近得首丘之樂不經陶鈺何以超昇
伏乞三界齊臨眾真降度俾死魂而受煉使
仙化以成人妙合而疑獲遂消貌描形之類
劫數之週復歸其一須憑乘元達梵之功

又

碧落浮黎漢十回度人之法元陽玉曆出九
炁生神之章自從經教之流傳迨及宗師而
授受伏念臣茶居後學繼宰玄科不明離坎
於自身未識乾坤之造化領詞虔切勉力奉
行切慮亡魂死後生前故為誤作或者背疽

之不救以為陰譴之有由鬼何所之孰為護
魂而持魄形非其有誰能蕩質而鍊形不仗
薰修何由超度恭惟 聖位虛極無象變化
自然洞觀八景之開明默契七玄而披敬幽
冥得度擔願逾深伏乞呼以陰召以陽使死
魂而受鍊散以風潤以兩俾枯骨以更生

又

太上垂科自有度人之典臣僚散職初非進
表之才踴躅奚云驚惶措其申謝恭惟
聖位行天之紀象帝之光徒謂其有杳冥冥
豈知其生生化化稟氣者悉回於囊籥付貌
者皆出於陶鈞吹朽噓枯默契陰陽之妙上
炎下潤仰攀水火之功無形能播於有形真
宰自同於不宰光明偉績濟度無邊伏念齋
主哀婦其人疾首痛心含冤引淚深嗟其女
之殤未尚八日復悼其夫之喪永訣終天此
恨此情莫伸莫慰諒惟文王之澤可及於枯
骨深愧煉師之學未卜於靈丹玄科乃依按
於淨明真魄可庶幾而超度乾道成男坤道
成女原其始友其終月耀為魄日耀為魂注

爾生削爾死

贖罪表

爵不濟刑不試人皆慕爵何以畏刑功惟重
罪惟輕孰為考功而贖罪是皆自鞠自若夫
豈不識不知苟非太上好生終使爾民遏絕
於是開紫陽之雲錦懸黍米之寶珠與之以
謝過首愆為之以拔亡救苦令符發赦使三
真奇絕精神多發越人人堯舜民古朴尚呼
嘯士以詩書顯槐塔走車軌百姓安於農田
毛免科率待詔金馬門百藝精其術商貨日
中市大書泉府揭行樂太平年春風多快活
邇來不如昔往事夢恍惚造物真鬼狡烏兔
更黑習不聞擊壤歌中結愁鬱鬱不聞鄉友
助蟲蛇互吞齧不聞忠與信器訟相告許不
聞仁與義詐力爭權不聞飄飄精雷腹食
糠粃不聞機杆聲卒歲無衣褐夷齊死首陽
不復採薇蕨房杜家聲墜不復誇閭閻孔孟
老儒迂清談多老佛漢楚信說諛憔悴歎賈
屈問之何因爾風水氣已歇昔有山環合今
則風路闊昔有潮水平今則潮水竭昔有夾

衙松今則是剪伐昔有井泉湧今則井泉乾

莫道時使然陰陽不可忽風水非人為獨有

井已掘汝口何其愚吾口不容訥有廢必有

興有敗必有發山水自山水人物自人物文

章豈不貴君子終豹蔚農事湏及時兩苗興

也勃陶朱富天下孽孽利毫髮薄藝勝良田

窮羊須矻矻勸汝莫好閑如馬失銜際勸汝

莫非為官典有刺則勸汝莫貪荒激射傷面

目勸汝莫飲酒酒醉因鞭撻勸汝莫欺心欺

心天禍罰勸汝行好事好事芝蘭藉汝看靈

濟宮姓字書擅越一鄉稱善士萬古名不沒

吾言真苦口銘心作碑碣

喜雨

九輪照燭熱如火山川滌滌田苗穡穡夫汗

背苦焦勞望極雲霓眼枯燥剪爪斷髮事不

聞誰肯森林為民禱燃頂灼臂辦心香尚冀

天心作悔禍江湖之封令太嚴六丁不敢開

金鎖旗龍聖跡碑猶在謾說鰲峰龍老老奈

何時俗巧追曲外貌斯須心已墮為岡鼎鼎

神天山壁路險滑人希到此時此水亦偶然

居隱豈不求之早乘除有數數有天惟象無
形高浩浩東海上人赫厥靈已泄天機明汝
告日落西山作偈言百成之識何深與斯言
契券不我誣瞻仰明靈如在左果令社令起
豐隆馬鬣一滴天瓢倒既優既渥富田疇白

卿三 子

更黃童齋舞踏腰纏刈熟喜年豐殺雞擬准
嘗新稍爾民報事終不忘薦以溪毛蘋與藻
惟神敢自有其功上答天恩為兩賀

謝林府判香信



鬼神之說竟何有無聲無影本虛空土木憑
寓未為聖問之畧杪識西東剝琢門外聲那
知有客來孔融坐視神骨紫玉珂胷中磊落
氣吞虹傳示先生巧駢珠清光照破睡驪龍
得之現惟愕且喜領頷咄嗟憂懣懣子期已
死不復生好音誰辨商與宮矍欲綴緝失蹊
步寧甘默寒等盲聾吾知此來意有謂數紙
豈是答鵝籠面頰背汗奚敢去達觀眼云海
川容先生商出仲蒙後五經子史頗精通憶
昔長安少年日金章星綬珮玲瓏回首世事
如浮響空教獨駕歎途窮章甫縫掖難適越

今人什九競南風樂多豪富及顛倒五陵土
俗昔不同義娥馳逐莫能開皓然鬢髮雪飛
蓬何以行樂山水間袖出青囊訪鄭公認取
當來方寸地付與兒孫學老農

請林經歷書碑

卿一 子一

丑口失其政五季爭雄豪四海煎鼎沸中原
生蓬蒿十五學書史二十持干戈貌貅數百
萬躍馬渡淮河册府榮公命留守持麾旄淮
人迎笑語男耕復女繅開運入南閩不敢犯
秋毫峽南道青布高峰聳巨鰲祠堂倖倖真
吃吃立山阿龍首更廟祀其年號政和爾民
勤報事薦以溪泓毛罔歷四百載伊途難風
波剌剌揚厥靈序事何其多談古久不掉字
字并且訛畫虎反類狗象口徒效嗽詩書東
焉聞後學失丘軻聞公義之材數紙博白鷺
文章冠當世出口如懸河筆陣掃千軍稽峯
顏與科銀鈞鳳翼飛鐵盡龍委蛇鑿石作碑
碣著手為津津事與公名萬古終不磨

寄南村居士

南村居士以詩名於江海亦有年矣倏起來

歸之誅蓋為母死未葬故不忍忍然而去魯
寄跡廬山薄營莖第一日袖香有叩於予予
竊古人句為一絕以勉之又辱示我以孤白
裘魚鴈集繁然滿目敬就集中因眾韻以和
正慙呈醜豈宜鈹梓母迺以紫亂朱耶况敢

欲知於奇人魁士之派獲序與跋覆獲過多
未免效顰綴緝草堂先生語體古律二十二
韻輒附孤白裘序後少伸謝臆呵呵
萱草久已死荒蕪孟母隣嗚呼就窻空寂寞
酒水巾行李千金贈征求異俗貧既今蓬蒿

改城燭翠眉頓畫地來所歷無家任老身高
天意悽惻為汝鼻酸辛本自依迦葉行歌非
隱淪號山無定廉倚杖更隨人瓦士傳神語
門庭畏客頻浮世有定分况我墮胡塵掛席
上南斗危樓望北辰黃風行應律滄海濶無
津交熊遺輕薄虛懷任屈伸勸君林歎恨遇
我宿心親磨滅余篇翰逢迎念席珍吾甘雜
蠹昆雙美畫麒麟望帝傳應實禱公書絕倫
高岑殊緩步耿賈亦宗臣密竹復冬笋微替
借渚蘋清談見滋味側望苦傷神鑿微勞懸

鏡思波起涸鱗晚看作者意復以物為春衰
氣歛有托知余懶是真禮加徐孺子相見從
回新

代周全擬芙蓉城

羲娥馳逐何逡巡祇謂絳老不知年公迺厭

世而上仙孤之不幸孰為憐仰天大呼泣漣
漣形僮神喪樂若瘖蓋棺事定倦欲眠蓬蓬
非夢目所眈宛然容貌笑嗎嗎屋梁倒照月
婢娟鶉冠鶴鬢駕龍軒前有驂駱後駟騎左
幢右節舞踰躡空歌廣樂聲喧聞松柳門巷
開市塵迤邐岐分南北阡石鐸碑銘誰所鐫
鵲鸞鈞畫跑復翔直道西東股兩邊金星斗
字應星躔西曰靖善居之偏東曰真一屬太
玄殿上星燈萬斛蓮異香馥郁奪龍涎問之
傍人事可研指視此處曰鈞天舊有主者僊

脚二

二十三

與佺今當舉代非具負念曰公也稱世賢千
劫相遇善因緣嘗從緱氏授瓊編索窳隱贖
獲真詮兩澤露濡及九泉復以齋法明且彌
功行之數滿三千名書玉簡珠璣未肯就
位尚遷延帝言此事有絳權天上差樂亦所

便何必反顧更連繕人人珠履冠貂緝緝銀
仙服美更鮮東廂西廡序班聯來來往往飄
風煙上揮下授禮致虔聲名文物盛四楚公
生不與物爭妍未死時刺便昇遷厥子服
將執鞭天堦壁立峻極顛六十力士身披堅

可搗氣談狂也櫻祇見毛寒粟起有魂夢如
飛去復返蕉鹿之說信有然幽明一隔甚天
淵往者如斯若逝川隱若排側徒憂煎未能
終養效賄醴固當致毀軀是捐芙蓉城事世
所傳欲追坡老續遺編弔廬人事百冗纏笑
聲啞啞難僂駢我非好弄事談談欲示來者
知其然公之寸地坦而平種以瓜瓞欲綿綿
詐信天道直如弦乃蒙帝眷寵且專嗜欲將
至聞必先欲昌厥後顯厥前汝家簪綬萬門
填會將簪物復青槐惟汝之賢慕與奪母貞

先志自作愆業精書史力勉旃切勿他學尚
管絃公之盛事真福田世澤之流非消涓大
厦何止八百椽席公之庇樂安全時思莫享
進且遽以永世事必勤琴子之為夢情是牽
伊人所見非倒顛符合有若根株蓮事事徵

兆叶筵簞造物無言妙斡旋示公之德為汝
宣姑述之事表之殘旁觀縮手惡亦悛

贈林東村公

殺辛荼毒孽有蘇東海上人伏牛漁祖龍煽
怒火其書劓谷之慘禍可辜正則彷徨遠女

脚三

二十四

類願與彭咸日康娛鳴夷子皮號陶朱奚事
扁舟浮五湖精氣沈溺膏液枯盲聾啞甘
自愚批揆之跡常欠且咬哇之聲何嗚嗚九
包不復托高梧夜鳴畫伏為馴狐吁嗟時俗
紉秋萸草下江雞與揭車天梯石棧名畏途
若比世途猶崎嶇渤海大壑號歸墟若比愛
河猶貪污向時學富盜穿窬孽孽為利跖之
徒坦坦為詐誥吁吁能鄙相籠甚智徂皇帝
王霸時事殊不開揖遜如唐虞上宇下宙一
遵條古往今來即須史萬榮基布屬太虛幽

旦縲纏通隙駒誰測鴻靈有太初汪芒之國
守封囑黃龍負出五彩圖神龜八卦淺天樞
古書陳跡真不誣休談莊老似虛無廟食經
年四百餘昔曾持節守江都嘉熙聖詔兩霄
濡靈濟袞封禪里閭邇來祠宇數荒蕪重新

創立大規模自作碑文投暗珠伊誰持重借
各譽如公魁略稱大儒節概耿耿彌九區詞
鋒筆陣為前驅三軍統魄走係吳王篆榮煌
為發舒乞銘求記何躊躇兩書不報竟何如
作語猶嫌口躡嚙惟以靈德配堪與序事為

言予姓徐

卿三

二十五

荅問造墳

北邱舊墓何曼曼城都富貴千年期碑刻姓
名大如斗問之孫子今有誰言凶當年非不
卜造物及履竟何為禍福無門人自召方寸
心中是福基吁嗟世人愚且癡大家何必隔
藩籬不思自有同宗鬼况是連理又連枝興
始王陵今何在蔡母寧甘號孝兒君不見金
陵王氣旺秦人曾厭之後官生武后高宗非
不知國家尚如此人事夫何疑掘塚焚屍非

盛德已所不欲人勿施兩家各存陰陽事上
有神明不可欺

荅周世遇問事

南走越北走胡西入秦東入吳總是英雄大
丈夫逸運出門去手持蓬矢佩桑弧河陽花

富貴任我自騎驢人生交結無老少情意若
茂芝音有陳與雷今有黃與蘇君心我自會
何須卜越巫今也一向是身衛一飯飽嘉蔬
平安兩字喜家書

荅呂先生問馬米事

葛川老人王方平偶過東吳訪蔡經時人不
見仙人形只聞空中車馬聲金盤玉盞羅八
珎酒闌一奏雲和笙須臾來風仙佩舉虎駕
龍車奔紫清遺我一卷名黃庭丹砂本是米
化成五色耀人光且明仙中日月不留滄
海水淺復揚塵却笑巴縣橋中人何為世俗
爭抗衡女髮額黃為何物愴忙快賭輸與贏
君不見溟海有曼大如瓜瀛山有李大如瓶
橋中樂何如棗與李瓊之可以保長生

勉蔡畫士

卿三

二十六

人言蔡氏善丹青虎頭將軍身後身精粗善
惡有標的風神氣韻得其真前年九日來相
訪畫出精兵鬼神狀猛士腰間大羽箭毛髮
森森聳人望東西兩序福祿星一點一畫猶
精神文章朱紫滿朝廷始信儒冠不誤人上

畫真人朝帝闕光依日月位星辰下布雨澤
驅雷霆親承帝旨福生靈歸來洞府奏仙樂
袖惹御爐香薄薄兩邊聞出玉闌干銀鈎高
掛朱簾幙曲破六公細腰舞百戲詼諧名意
思獨有寢殿畫未成知君好手重毫素不可
去弓不可去畫者如君亦可數一年一年復
一年俱道心堅石也穿本來風月不論錢一
飲一嚼皆前緣却說只教許氏子不知桃桂
是神仙舊年傳曲意未盡今作古詩也勉旃

荅生負問眼疾

人言五蘊俱是賊豈謂天公嗔眼白寧甘剝
剔掛吾門誰肯效鑿誇紫石伏生書債猶未
償詎信共王留孔宅秭因憂道非憂貧何為
珠淚墮睚眦一舛疾瘵莫能搔邇來赤爛且
昏澁自愧聰明不及前精神枯槁越沈溺燈

卿三

二十七

前酸酸羣生花髮鬢青黃間綠碧指認歸鴻
蹄那處幸識東西及南北明月朏胸罪蟾蜍
臺鏡塵埃誰拂拭折肱前後幾華陀金篦照
藥針芒麥莫是痼疾沈膏盲奚事皮膚頑不
入滿七除二言何污笑殺符師美刀筆巫咸

已死不復生吉凶禍福謀臣測料想君心常坦坦莫道丈人多命薄推詰其由誰是尤自號書淫無傳癖懸髻刺肉何不悛窮年九九竭思力青衣童失厥守一夜西風動旁礫木葉凋瘳烈於冬山林之志夢已缺問之叔和何因爾指下尋之曰關脉微弱浮散那能知六淫不節氣交逆吾非於陵為朋儔安識李鱗三可咽聞知神火幹洪鈞宋陽里子有妙訣茫茫昧昧本無言且學園辭試提挈熊膽膏盲出肘後付與先生聊塞責先生聲譽馳四海願求一字為口實

托東村公作記

維神有記既蒙篆蓋欲求一記發揚其美以成其志必須得孫綺之文然後刻石謾為古體三十八句自一至十十復至一碑誌維神頗異非要名姑序事雖喜推評尤幸不棄血食居一方名聞傳五季始於開運甲辰今則至元癸巳八千精騎慰閩人四百餘年立廟地聰明正直惟德是馨禍福吉凶由人所致吁嗟世途蜀道難於天安事詩書

漢王闢其智販賄屠狗滔滔樊噲灌嬰獻册賦鵬碌碌仲舒賈誼祖詐相尚隣里如結讎狼貪太酷上下交征利世無常賢簾金一經誰辨曹娥碑陰八字仲蒙先生學有傳簡肅侍郎公其享既承鐵畫銀鈞須得絳章錦思祠撰江濱文廟作羅池記材果無雙象成絕四假人為發已意有求托庇愧

餞君行

錯錯錯何須歌餞錯錯錯未是錯無奈世情多薄惡君莫說荔子枝頭紅閃爍赤虬吐如金鳥啄千戶封君良可誇篋中起舞笑自樂豐城劍峴山璞此語于今空摸擦豈磨尹之不我靈抑壺公愚我以朽索錯錯錯何須歌餞錯錯錯未是錯今歲在涪灘明年名作噩雷聲隱隱天鼓鳴則龍奮起生頭角四海蒼生霖雨望直上天池身跳躍君莫說年來苦也剝烏驚曲木魚傷餌又侶寒龜頭入殼不見老農勤且辛春耕夏種望秋穫世事皆如此心堅石可鑿錯錯錯何須歌餞錯錯錯未是錯寄言東野子林子非是蕉覆慮担譚極

論識不經誰知一箭果然中秋鶻今日是何朝指攷人過七月朔後朝是何日十有二日叶 卜風瀟瀟兮馬蹏踳路遙遙兮車陵轉擔簦仍躡屨借問清源此去更幾里風土復何若地濶海冥其此有峰巒高阜聳人煙虛

御三

二九

閑慶是古夾城廓縣令蒼失作前驅越賈胡商相屬托明月珠水倉玉滿舡珠異金絲絡珊瑚碧樹二尺許更有胡椒八百斛關市有條章公征復私權所得何多多氈包席裹載驢駱祝君勿忘隣家翁歸來分我一勺錯錯錯何須歌餞而今也要牢把捉彈碁局面最不平這回一着是一着勿作踐君行此篇為君作先覺覺後覺三子陳一畧孤天四方志誰肯填溝壑富貴不在天自立還自卓犖勤相勉梅錯不是錯

偶作可笑

可笑可笑莫觀其微格物致知大學之要自然而然神明之妙不識不知冥冥杳杳言不吾證事亦可謂禍福無門惟人自召如子之才聲名顯擢如子之志山林咏嘯題相如柱

修城都廟彼何人斯志亦不小希顏亦顏誰
日不肖今子之謀自何其渺今而不為日月
旋逸老之將至勿謂年少自暴自棄甘牛馬
走吾言書冲子性自曉聊集俚語真是可笑

答問事

門重重松鎖不開封借問主人翁却在西頭
不在東任君且住消息謾在通明朝鵲噪喜
情濃此日再相逢我髮未蓬髮平安兩字是
我家風那堪月色朦朧又見嫦娥喚女童雙
成姓董王母騰空而今好事眉開點紅

答問生活事

用貧求富請問其維 伯販脂張氏賣漿郢
氏濁氏倚頓周揚如此數輩各取其長熙熙
壤壤財利之場古人有言工不如商

答陳樞仕問事

魚化龍禹門消息近雷聲震動驚百里此時
兩足農務起借問前村深雪裏聞道布谷聲
聲急早着工夫龍可喜龍可喜又見一番桃
李盛開兩窰燕子銜泥對語富貴王孫公子
賞春歸去爭鬧綺襦純褲那更有黃金滿塢

金滿塢陶朱是本塢夷子改名易姓歸故里
齊門鼓瑟時不遇回視相印如散屣如散屣
人生周蝶夢初初俊君時光只如許但存方
寸地分付子孫作主五六七為數此是前程
好處

贈雕碑者

維神正直未為妖暗室荒蕪愧坐邀雖有真
材為大用自慚朽木不堪雕慙慙束帛知存
禮慷慨詩囊會奪標百世其昌皆祖德異時
管取鳳鳴朝

謝林主簿書碑

古原荒廟歎丘墟自派源流序姓徐老却英
惟如土苴誰請經訓乃箇奮記雖不得韓公
記書喜猶能柳子書潤筆愧無金五百維神
陰相子知予

別蔡畫士

妙手丹青出自然愷之立本得其傳工夫子
重筆如拖膠粉濃深色更鮮鮮上窗題名萬
古人情熱分客三千于今告別多惆悵薄酒
三杯詩一篇

本宮建壇有四道人現身

四仙化現降明壇可惜時人別眼看身披葫
蘆開口笑手持蝙蝠出門寬一片雲心輕去
住千年鐵柱老珊瑚汝來問我在何處我在
蓬萊山外山

贈天王老抄化不遂

能鄙相籠勢使然靈兮既降謾連卷已知秦
越藩 陽安有陳雷膠漆堅四六虛文封誓
甌再 言卜費筮算勞心休作思君想且向
山中飲石泉

答問事

乞靈微福有其人辦力輸財未有因奉佛捨
身唯武帝說情尚詐習鸞閣莫言植福元無
種祇恐浮軀死化塵倏忽人生駒過隙堪嗟
趙孟老諄諄

靜中笑殺世間人莫識前生後世因都是業
祠來石晉誰知昔日屬王閻萬子富貴渾如
夢多少英雄已化塵好好力行方便事不須
作語再諄諄

維神顯德在於人或者非人天不因一點英

魂吞宇宙千古廟壯麗閩西碑未立空留
記內壁而今尚染塵成始成終君子事何湏
化筆語諄諄

答梁氏問遷葬

牛眠已卜陶公穴白鶴仙人暫降九心地允

卿三 三三

符陰地好人天敢道我天寬果然宗祖靈如
在相爾兒孫遠大官技以木桃報瓊瑰都來
造物亦知還

上林府判效曹娥體

未蒙君命字書全袖識曾知涉巨川里詠塗

歌留駒駟甘棠兩樹憶名賢

寶殿十奇峰

金鰲峰

魯戴方蓬海上來盤踞此地不知回千年卜
得鍾神秀魂乏擎天八柱材

文筆峰

孤標直上杳鴻濛遠勢祗疑神架同此地由
來多官選扶輿佳氣產文雄

貧猿峰

斗中七宿煥文明那得茲山蟲地生我欲飛

騰最高頂水同地古佐昇平

蓮花峰

瓊花獻巧速亭亭髮鬢幽香散窈窕那得天
風飄一葉也同太乙泛東溟

方巖峰

卿三

石崩嵌空天際開此中風景勝蓬萊有時碧
落朝元下暫駐鸞輪坐綠苔

白鹿峰

白鹿來時今幾年危峰依舊倚青天閣中不
獨談真訣也覓林僧一問禪

古城峰

層巖秀色碧籠葱古壘無基望不窮夜半月
明天瀟灑疑一鶴遶遼東

飛蓬峰

蓬島飛從海上來丹崖翠壁遠崖鬼吹笙仙
子知何在猶有碧桃千樹開

紫雲峰

臺峰突出粵江東鳥道斜分紫翠中幾度月
明仙子降珊瑚環珮振天風

太平峰

昭世仁風播太平茲山何幸得佳名幾回飛
上峯頭望六合悠悠天地清

真仙八詠圖

鰲嶠真官

海嶠湧金鰲玄宮結構牢英靈常不替地位

自清高夜月沈丹井春風綻碧桃一忠扶社

稷丹詔會榮褒

龍湫飛瀑

千仍龍湫不可梯飛流直下絳虹霓群仙採
秀歸來晚閑弄潺湲漱藥泥

竹巖霽雪

靈巖留瑞雪曙色况開晴積素涵初旭疑華
耀太清低埋深竹偃高壓老松傾我欲飛危

頂閣披鶴覽行

仙嶼靈芝

燁燁煌煌三秀繁太和風氣產靈根寔獲此
地無由報採入虞廷獻至尊

青浦歸潮

極浦寒潮落紫紆一望餘草根餘亂石江口
露平沙鳥蹴青泥破舟維古柳斜湏史還復

至從此泛仙槎

南塘過客

走鼓奔蹄競往還
路通南北出閩山
可憐擾擾紅塵者
何似仙官日月閑

木嶺樵歌

木嶺樵音返嶮巖
日已沈悠揚逾曲澗
款迺出重林低雜金
鋼奏高隨白鶴吟
琳宮無俗韻聞此豁中襟

鍾山鴈塔

日出鍾山氣候新
浮圖七級湧嶙峋
古來福地生賢俊
聖代題名不乏人

贈徐南村

土木假形真可笑
謾將俚語續詩篇
先生不是龐居士
那得燈光徹大千
自愧調羹無手段
戲將衆物扣來香
屠門大

卯三

三十五

爵知多味休笑山人藿
莢腸

玉岳十奇峰

金仙峰

丹竈千年爐已灰
祇留品字石崔嵬
等閑試上山頭望
雲外推青是五臺

天柱峰

行行行未到山前
忽聽鍾聲破曉煙
突起一峰如壁立
看來力量足擎天

朝陽峰

岩堯石壁插雲端
溜滴泉聲夜氣寒
愁想悵啼天未曉
開門日上已三竿

三郎峰

釣魚溪上釣魚舟
借問傍人識姓否
笑指此山多雅興
野花啼鳥足追遊

金爛峰

遠看如畫奪天機
靄靄嵐光映夕暉
領上松杉千古意
那知半夜已傳衣

起雲峰

迢迢數里轉山隈
曉色朦朧撥未開
搔首青煙迷去路
祇聞山下一聲雷

寶臺峰

層層疊疊勢崑崙
崖閣道如天不可階
一點清光常照面
杉風桂月好生涯

大座峰

雨過嵐光黛染青
石頭路滑少人行
伽趺自

得參禪法何處寒
鍾扣曉聲

玉蕊峰

天花一朵未曾開
摘去誰人不送來
直向高峰峰頂坐
時聞香氣透天台

雙童峰

掛臺明鏡轉清光
玉女當時試曉粧
常伴丫頭年少日
青春不老髮蒼蒼

東澗

溪聲如水潺潺一
向東流去不還
無限世情盡如此
何如沙上白鷗閑

西澗

山中無事客相過
借問西來意若何
不減不增無罣礙
順流此去透天河

玉岳

愛山祇愛石巉峴
玉品山來作玉崑
雙澗交流分白鷺
十峰回抱半青樨
輕雲白裏茶多味
殘月燈前經一函
偶到上方問禪話
料應知我亦非凡

餞陳道興往龍虎山

終南山裏多佳景
無奈功名志未灰
龍虎榜

中新姓字梅花先占百花魁
薦著推評屬古靈成人好事是前程鵲聲為
報平安信聊作篇詩贈子行

和白雲僧德堅

休說秦隋晉漢唐三門茅屋白雲鄉水牛不

去為山老試問當年燒得香

偶作四首

靜裏乾坤不計春非非是是任紛紛醒原醉

白今何在雲外青山山外雲

憶昔曾聞歌獲麟極言告子好為人荷花欲

語多情態何似無言花日春

明月清風何處尋詩人苦思謾沈陰忘機不

管人知會自有沙鷗信此心

與子相忘已兩秋此情不語子知不青山門

外多情態留與詩人作話頭

徐仙翰藻卷之七

徐仙翰藻卷之八

詞

親睦堂

書畫琴棋行樂也一家和氣團圓兒孫戲綠
滿堂前共傾一壺酒同祝大椿年心想黃庭

妙訣茅內養丹田蓬萊富貴絕神仙名登金

字格袖惹御爐煙

燕喜堂

驚峰勝地山水多奇異成羅舊識君須記麒

麟天上種鸞驚人間瑞而今也男兒果遂奈

孤志年少登科第猶喜雙親在長祝願千千

歲老萊爛戲絲王母瑤池會同宴樂滿堂笑

調金樽醉

贈沈建翁

山嶽精靈發玉融飛起作鸞峰山清水秀喜

事頗忽忽若問前程事與利但存方寸積陰

功植槐有識管取作三公

贈周全

坐堂清秀得意相携手齊月光風隨處有最

好吟詩酌酒秋來寒露淒涼何妨淡抹濃粧

卿四

調臨江山

調千秋歲

調相思引

贈郭冰翁

調金門即喜遷鶯

調應天長

調更漏子

調浣溪沙

調相見懽

調更漏子

調應天長

調浣溪沙

調相見懽

調更漏子

調應天長

調浣溪沙

更有籬邊黃菊看看晚節猶香

調周明

恬淡家風最好得意池蓮空草憑几案倚闌

千清芳絕一狀一堆半輪月不覺五更時節

燈報喜鵲傳聲來朝霽晴

贈林椿

是是非非滿世間不如學道煉仙丹依然長

嘯入深山三徑就荒誰作主菊松為友蕙門

關安身隱處白雲關

贈童桂龍

風和日暖二三春雨晴天紅紫百花如錦柳

如綿高樓上珠簾捲主人家舊者重來雙燕

任翩躚

贈郭冰翁

雲意薄雨情濃二月百花紅來往客任西東

牛馬不同風山又青水又綠路遠羊腸九曲

好將心事付來人五五是前程

贈鄭汝顯

燕子鶯兒相對舞頻有東君長作主雨又晴

晴又雨笑問桃花嬌不語日西山雲薄暮為